



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五六一

梧溪石屋詩鈔六卷

溫訓撰

一

登雲山房文稿四卷

溫訓撰

五九

菜根軒詩鈔十四卷

菜根軒詩鈔續集一卷
王省山撰

一三五

瀟月軒集七卷（詩集二卷詩續集二卷文集一卷）

文續集一卷詩餘一卷）趙萊撰

二七五

傳經室文集十卷附賦鈔一卷

朱駿聲撰

三六五

周憩亭集十卷

周玉瓚撰

四六一

養拙居詩稿二十四卷

張朝桂撰

五五七

梧溪石屋詩鈔

題辭

前閱登雲山房古文清峭之氣溢於行間知此書之遠矣今觀古今體詩雄傑瑰瑋筆端有風雨雷霆之勢吐之勢其不屑工側豔步靡音可知其人品與詩品可同鏡也夫路河白銘題

溫子伊初用世才也接其詩談風采自是陳同甫葉水心一流人物爲古文於學世不爲之日非具大心力者不能所言皆可見諸施行非苟作者詩律雄深雅健過真麓陵皆得正法眼藏不落第二義諦粵東英材輩出經學詞賦份份平質有其文求如伊初之絕頂學識

亦不數觀也吾於伊初真相見恨晚道光戊子九月虞山翁心存題

作者致力古文其爲詩亦以古文之氣行之橫空盤硬語安貼力排昇昌黎語可以持贈番禺張維屏題

祖奉昌黎友事盧同弟視郊島緣其句奇語重故不失爲退之嫡派也鎮平黃劍題

物之可久者其精光必異於常隋侯之珠和氏之璧隱之則不過一指之力也藏之則不過徑寸之積也而世寶之精光異常故也詩文亦然而兼工甚難吾友伊初學博而才大於詩古文殆兼有其長所刻登雲山房

文稿海內治古文者咸許爲必傳其梧溪石屋詩鈔將次刊之屬余正定余讀之沈鬱壯浪大率出入諸家而歸宿於杜韓自序中已詳言之其詩曰我文實學韓而無韓質存我詩欲師杜而與韓同源蓋自道淵源所出也余無以易之道光己丑人日嘉應李謨題

梧溪石屋詩鈔

卷一 古今體詩八十六首

卷二 古今體詩七十首

卷三 古今體詩六十三首

卷四 古今體詩七十七首

右梧溪石屋詩鈔四卷總二百九十六首編已定因自敘曰訓生七歲入鄉塾十歲學制藝成童後稍學爲古歌詩雜文弱冠補博士弟子始一意於古文當其時伯子嘗語余曰汝矢志希古欲到何人訓笑曰二十年後會當作陳無已夫無已之詩

宗仰老杜其文亦具體昌黎在宋人中甚爲卓卓者卽其所造豈易及哉且兼才之難也如少陵聖於詩而文鮮可傳者子固長於文而詩少可誦者以二子之才尙且如此况訓窮陋何敢兩營乎願心實好之如蟬蛻然力不能勝猶多取而負之蓋訓半生精力多在古文其次則詩自漢魏六朝以及唐宋元明亦嘗博而觀之擇而效之大率本之漢魏以樹其骨取之盛唐以宏其體意歸沈著而忌輕浮氣尙豪邁而屏翳張弔古覽今則風雲助其鬱勃模山範水則鬼神佐其雕鐫私心所向未

審有合否也世有大雅君子精於此事者幸是正
之梧溪石屋者去登雲十里蓋生平釣遊之所山
水清閑因以名吾集道光壬辰孟春溫訓自序

梧溪石屋詩鈔卷一

長樂溫訓伊初著

門人大興朱樹年校字

碧玉潭

古潭涵虛無玉碧濯娟娟窪然闢水府
山環其外峭壁摩穹天倒影下空洞宿鳥不敢眠
潭底欲沒百丈紆始信淵冥內諸象杳無緣
畫嶺羣峯靜夜浸星月寒藤蘿纖翠縷惟石吸驚濤元顏淡深
碧空際曳綠煙造幽自太始混沌劈其端對此心神寂
炯然欲入禪

桃源洞

梧溪石屋詩鈔卷一

朝出小海溪盡擊永安汰桃源數里間乾坤豁清氣透
迤奇石峯嶺娟滴空翠熾舟入絕壁瞥然異天地兩崖
劃層空仰視如埤堦嵐壁忽中斷蔚藍垂香靄仙橋掛
飛虹艸木復蒼蔚飄飄雙白鶴來往啄翠黛疑是青田
姿或來星宿瀨古洞開闢存渙渾無埃壘涓滴石鐘乳
餐之得蟬蛻仙人未來歸陰森終古閱呀然一穴開圓
透明月竈蕭瑟雲根下太古義和翳瀆洞寂無迹潛虬
罷蟄肩藤輪如修蛇步門薛荔參錯古今草寒花落
秋蔕纖纖修篁列翠嶺星散玉蟾墜空洞欲躍竟塞
蹟聞諸舟子言之多謬我行事幽討太清飲沆瀣

悠悠數年中夢寐未或置

塗中有懷

采采紅榴花南登龍首山榴花何灼灼恍惚見朱顏朱顏不可見相隔萬重關願爲西馳日流光照君鬢

龍璋遇雨

龍首昂而高高者出重雲況言大雨後雲族會而奔嶺然萬峯合四顧窮匪我半日雲中行不知雲裏山氣蒸極髮濕濕成珠額圓蕭蕭山風來滴蓋聲不乾張口雲天喉舉足雲滿禪忽聞雲中泉噲噲轟天門蜚廉整我駕駕謁雲中君

梧溪石屋詩鈔卷一

鐵漢凌風二樓歌

朝登鐵漢樓暮上凌風閣泫然吊古情淚灑迸空落吳天不吊有宋家龍蛇之歲賢人嗟宜仁既沒司馬死紛紛國是歸羣邪大興館獄陷諸賢衣冠斥逐如流涉岳岳元城公浩氣塞鴻濛安置來此邦不嗟時命窮土烹密受章惇令亟欲殺公爲己功豈知人謀天不與嘔血而死何忽忽殘賢害善天所忌坐見朝事紛如蓬中原王氣既銷沉邊鼓一聲天地陰青蓋奔馳不得息跳波竄葉如蓬蒿百餘年中小朝廷天地之際多荆棘生國太廟仇害時之見新長江天堦飛白雁猶安

官闕經妖氛斯時信國守江右杖策勤王依紫宸既見輿輓出軹道旋復立君奔粵閩公時募兵到梧州高歌凌風泣鬼神天之所壞不可支兵敗見執由數奇長叫一聲日月黑孤臣肝膽終難移大星芒芒墜匡門滄海揚波天地昏吁嗟趙氏一塊肉竟赴巨浪飽鯨鯢張陸二公皆已死公歎百折經蹇屯柴市從容就大義公之正氣彌乾坤我來憑吊心茫然颯颯秋風生寒烟江水如浦向東去幾與浩叔相推遷噫嘻乎滄桑變易不可詰唯有花洲千古月曾照二公冰雪色

感興

梧溪石屋詩鈔卷一

三

崑崙有丹鳳養子玄圃阿朝飲星宿海暮食珠樹花中原鬱瑞氣集彼龍門柯鳴臬啄腐鼠逐臭翻自誇將雛過其側嚇然仰面呵君子正道消自古以爲嗟陽盛理之常決陰貫鍵和嗟彼漢唐末乾坤正氣磨豈無忠義士挺身誅羣邪謀之不深密亡國及其家上下千百年撫卷涕滂沱始信決莫陸當如杞包瓜含章得中正潛制於未芽此輩豈無性翻然脫妖魔苟其達斯義奚必事斧戈

朝日升扶桑岩壑欽陰翳登高望大荒極目睨天際長江如白練奔濤奮其勢晴光射海曲萬怪皆遁匿迴風

吹太野黑雲壓山至乾坤忽斲慘白日朱光閉山鬼嘯
深谷悶雨跳水激有如草味時龍蛇滿天地陰陽迭消
長宇宙乃其寄自古皆如此陳迹不可計

南園有佳木枝葉何葳蕤一朝霜雪至餐與飄風飛蒼
鼠噬其根飛鳥去不歸世人厭零落相率趨輕肥在昔
下邳公罷官脫紫紵往時攀附人足跡不及園中庭滿
蓬蒿鳥雀噪柴扉天子再起公去者猶復來大書揭門
上公等何爲哉世情如浮雲蒼狗變白衣

萬松碕

萬松園一礪風氣何蕭森濤聲寒半空赤烏匿重陰澗
梧溪石屋詩鈔 卷一

水走其內雷震劈青岑兩山如鋒屑中乃一凹深銀河
落九天倒瀉一千尋不知混沌初何時始會矜我來羅
芒履白雲半腰侵舉頭望青天陰雨黑沉沉

新晴步月

雲掃天宇激疎星浸寒池居人競出戶月明稚子嬉清
風灑然來吹我檐端枝流螢度疎竹寒煙遠短籬迢迢
過南村裴裏淙水滑側聞東隣叟爲言樂歲熙黃星方
朗暉春苗正有期此心在義農嗒然坐移時

春煙

春月對柴門空村煙如積金波所委處蒼茫不可極南

村隔一水不辨誰家宅依稀老樹根寒火出胸隙黝黑
南山陰月光猶未弔溟濛紫翠間空青了無迹蒼松一
萬株一一插天碧須臾輪在空滿山如懸帛乃知煙所
至因月而始白有如混沌初陰陽始開闢此身在虛明
徘徊空山夕

龍川

江月長如此江波無盡時霸圖不可見空上尉佗祠

香口

落日珠江上秋風捲海潮地隨胥口盡山插虎頭高番
船巨艤藏層樓翳鳳飄滄波望不極蜃氣晚迢迢

晚歸山家

山徑煙微合石梁雨不乾蟬聲松影靜泉壁夕陽寒古
寺疎鐘起孤村野火橫有懷岩谷士巾幅倚欄杆

蕭河礫

蕭河有五礫一礫一雷霆雷霆相摩擊天地皆碎訇水
氣蒸寒空蒼茫暗日星出竄波翻白回瀾色變青石里
根虛無下視栖鳥驚深潭一百尺往往蓄精靈丹木茂
青天白日聞龍腥混混洪濛氣至今尙未明我聞大全
川山水莽杳冥飛泉下九霄懸流萬石轟大蛇逾十圍
搏人頭奔跡生焉活其中石穴爲窟樵三王五帝前

地猶蠻荆烟瘴數千里日月不澄清乾坤日開闢氣候古今更及茲憶所聞心搖如懸旌

舟宿鶴園

孤舟獨宿夜月影照零丁林際露微火草根流數螢秋山馨晚桂寒水浸疎星寂寂江天外誰憐水上萍

梧山詩

謝公昔遊山登覽窮隄元作詩狀奇險逸響最清越伊翁染微疴臥臥梧陽肩羣峰圍戶牖眾木亂巖穴時與漁樵侶逸然絕請謁空山靜無喧道心迴峻潔惟追谷口蹤庶免塵慮繼養真衡茅下努力效前哲

梧山石屋詩

卷一

六

遊梧山

杖策窮遐嶺清晨及阜午空谷無人蕭蕭自太古林深迷向背巖峭懼豺虎與來據石坐空翠落肩宇楠葉噉飛泉一噴清噴噴仰視喬木杪塵滓紛無數澹然萬慮忘寂若心香吐躡屐下絕磴白雲迷洞戶

擬陶詩

寄身大塊間何者為真吾忽然遇變化了與物無殊嗚呼與鼠肝莊生論非迂胡為斯世人勞勞多所圖日逐名利場安知是畏途羲農去既久淡泊誰為徒不如止足終得返吾廬

日在塵網中俗事苦拘束試從野外遊忻然得所欲居人八九家桑柘閒修竹暖暖生炊煙茅茨隱空谷雞犬互鳴吠場圃饒野藪即此是桃源我心良已足

曠然天地間萬物各自營孰是稱蒼黎而不務力耕仲春時雨下百卉俱發生荷鋤出田疇努力種稻稂終歲自勤勩猶然魂夢驚豈不憊勞苦所懼為饑氓務閒時陶醲相勸各盡觥悠悠沮溺徒千載有同情

種橘北山下所期以為薪豈意十年後富者忽為貧少壯各奔散田宅賣與人往時垣牆勢條忽同灰塵人事有盛衰反覆如車輪感此不能語欣然懷苦辛

梧山石屋詩

卷一

七

擬行路難

彈爭挾瑟上高堂金琰玉斝酌流黃坐君九華之寶帳薰君百和之奇香珊瑚木堦間瓊瑤芙蓉翳翠幙生光清歌妙舞能幾何紅顏倏忽兩鬢霜請君聽我行路吟年華宛轉如流航不見昔時行樂人寒煙野草斷中腸蓬萊仙人幻作紫霞城千門複萬戶上有青青蕩蕩不可捫之太清殿車羽輪飛不到海水涓涓沒羣鳥鳴琪花瑤草今安在秦皇漢武空復情念此出沒變化非常理中懷飄忽如懸旌

暮上北邙坂黃蒿愁殺人上有千歲之腐饌古血模糊

秋復春人生快意能幾時安能兀坐苦悲呻秉燭且行
樂拔劍擊柱何踴躍毋令千秋萬歲後達士笑我况蕭
索

撫劍遠行遊行遊至河朔飲馬漳沱滑沽酒邯鄲郭不
見昔時豪俠人黃沙白草莽蕭索人生不得恆稱意安
能塵埃苦束縛我欲被髮出大荒以地爲席天爲幕
跨馬出雁門北登燕然山燕然山高一千丈征人乍見
凋朱顏金戈霜雪白羽弓明月彎擲人之頭飲人血悲
風颯颯旗竿折寶璽功名能幾時山頭百尺森碑碣

至磴下

梧溪石屋詩鈔

卷一

人

杖策遊梧溪行入深谷野花迷古徑春鳥鳴崖木山
空靜無人萬象皆寓目厓傾屢遷延陬折頻迴復遂至
一孤村疎籬間修竹一犬吠門前怪我尚未熟白髮張
野人邀我入茅屋與我談故舊清言霏屑玉怡然有至
樂不受塵局促多謝老翁言我生苦馳逐

擬古

北風捲長雲明月照高樹思君不能寐起行踏霜露君
住雁門北妾居江海濱相去五千里音書兩不知君如
天上月妾似井中泥明月入井中照水不見泥願爲雙
黃鶴疾飛到君居君居不可見悵望白雲西

登山采薜蘿慨然有所思所思不可見綿綿無已時
爲魚與水今作雲與泥浮沉各異勢會合豈能知空房
多悲風羅帳自披離思君終不見淚下如綆縻

千金買寶刀百金爲刀鐔持此贈遠人從軍度陰山陰
山霜雪盛六月猶未乾涼秋邊馬肥烽火逼秦關金戈
耀白雪瑀弓明月彎殺敵情無聲草木盡朱殷飲馬滸
海水洗兵交河川慨然思報國百戰不辭艱從軍二十
載五易錦鞍韉

滔滔滹漢水日夜向東流滄波杳無際遠望令人愁古
來盡如此豪聖莫能留容華易銷歇茫茫百端憂世無
極溪石屋詩鈔

卷一

九

安期乎誰能不白頭

登山望大海滄波何淼淼上有三神山樓臺含縹緲朱
霞入鵬鵬星斗窺蘭橈中有羣仙人遊戲周八表我欲
往從之倏忽如飛鳥冥冥不可見令我心魂擾
芝蘭秀空山終歲不見采幽香透欄戶綠色散瑤彩豈
不惜容顏所懼誠無已甯無霜雪至芳心常不死美人
在雲端縹緲不可企

驅車出函谷迴首望東方紫氣彌天來縹緲扶桑感
昔伯陽父騎牛出大荒皇王道已昧得失爭毫芒荒沙
一萬里四顧何茫茫遂然不可追令我心徬徨

歲莫百草荒朔風吹短襟驅馬出門去凜凜寒意侵平原莽千里山各阻且深中野何蕭條孤鳥振哀音四顧不見人慷慨發悲吟黃塵埋馬足終日逝駸駸悵然遠遊子感歎盈我心

朝上紫宸門暮歸朱雀里樓臨大路雙闕白雲裏娥娥紅粉粧金環問瑤瑤縣管奏中天歌吹悅人耳賓朋紛雜香車馬如流水華筵列珍饈樂窮奢修豈知千歲謀倏忽成海市嘆息金谷園繁華不可恃

田園雜詩

野外寡人迹茅茨隱疎林老農性誠樸力耕恆素心朝陽散叢薄好鳥弄新音驅雞出籬棚飯牛繫桑陰及時勤種作日月逝駸駸閒暇有餘樂濁醪每自斟鄰里相過從清談豁胸襟豈以勞勞寸心常不淫衣食爲民天自古直至今

仲春雨露滋百卉俱向榮新秧冒綠水田疇一望平萬頃佳氣暖關關林鳥鳴農夫荷鋤出東皋自徐行遙睇窮邇裏疎煙縷縷生相逢鄰里子交笠語春耕敦樸無他念談久見深情日晚歸茅舍稚子走相迎

秋來萬物成四野皆黃雲腰鎌刈禾黍耨歸趁夕曛向晚對濁醪霜月大采門已深濯相與慰勞勤不覺

頽然醉歡喜遍兒孫老農無異望所願實虞困以此盡餘年浩蕩臥乾坤

送入山

驚風吹敗葉漸漸滿空山之子從茲去逸然不可攀石泉飛碧嶂煙靄鎖松關應有幽栖客相期淥水灣

萬石瀨

側足緣危棧頽觀萬石瀨壁立如堂房奔濤勢交會空山萬雷霆巖壑變陰晦水花半空落濛濛十丈內上蒸三辰暎下湧坤軸壤兩厓削精鐵草木紛晦藹落日下孤峯側射光炯碎遂注一寒潭杳杳垂澹瀨異哉咫尺格處石屋詩鈔卷一

間喧靜各殊態誰能久延佇乘險如履泰

夕陽

萬峯青未了天半入斜陽閃爍金銀氣玲瓏水草光山河行渺渺今古去茫茫無限升沈感登高類八荒

別梧溪

溪淨梧溪水可以洗我肝我來鑑清澈終日把魚竿斯意不在魚息心得靜觀萬緣空青裡萬象杳無端有時奔石礫激怒壯驚湍坐令探奇人倚石恣盤桓我今若木去大海看波濤粘天無畔壁得無面目旋回首望梧溪煙雲隔萬山

雨歇舟行

雷雨歇前浦涼風逗輕舟客子感遠懷擊楫傍綠洲頽岸歌奔竹滄江湧急流山影如人立屢屢出其頭雲鋪眾壑滿月出萬象幽蒼茫煙水際空濶與天浮遠眺情忘倦瀟然萬慮收暮投野戍宿沙上狎閒鷗

五羊懷古

蠻夷大長據炎荒南武名高百粵強權髻縱教因陋俗報書畢竟有文章將軍自昔尊橫海使者由來重越裝一代雄風今已矣層臺剝落問重岡

呼鸞爾日亦稱尊井底蛙鳴祇覺喧扇子名仙迎覽舞

梧溪石屋詩鈔

卷一

十二

花田埋玉醉香魂免絲枉自吞公族牛角難教拓子孫去作降王能執挺洛州刺史試重論

舟中憶定元

塞鴻無數盡南征八月秋濤湧地生遙憶故人林下住翻愁孤客海邊行雲霞縹緲三峯遠煙水蒼茫一葉輕兩地相思俱不見天涯明月最關情

珠江泊舟

澤國莽茫茫天光接水光寒潮隨月滿梅氣入秋涼落雁依荒葦孤蛩語短檣明朝黃木去極目總青蒼

自黃沙憶參天嶂至家

朝見峯刺天暮見峯刺天吁嗟行役苦終日躡天根我行及季秋邊風始戒寒千盤與百折羊腸鳥道纏上征出雲霓下俯墜井徑瀕洞變明晦摩詰勢幽玄古樹偃山礪危石咽寒泉飛瀑出林杪雷霆當空旋蠻花結蠻果風急颭颭然置身蒼翠中四顧耳目遷陡上千百級極望杳無邊吳哉參天嶂天半亂雲煙前峯復後峯相逐如飛鷲前嶺復後嶺相疊如連錢其勢不相讓橫削摩星躔有如草昧時羣雄割據偏天公設奇險炎荒萬壑連嶺鳥尚迴蹤徘徊先客還贈巖崎嶇中兩脚力盡彈到家已三日夢猶入天關

梧溪石屋詩鈔

卷一

十三

遊秋水園

平生慕古人雅愛王右丞淪漣朝川水一洗襟抱清去歲梧溪遊煙波萬頃澄寒潭墜秋月冷然如水晶我時百感寂幽思入宵冥如何出山來遂爲世網縈至今夢寐中飛度心怳怳先生病煙霞拓園負東城永懷葦葭篇秋水錫嘉名賽裳一從之宛在鏡中行是時炎蒸退大火正西傾蒼然秋色來水木湛空明快哉此遊最視聽爲之更乃知山林樂迥異軒冕榮素心淨如此塵慮豈能撓

八月八日載酒遊秋水園呈伊墨卿太守

酒侯生逸談詩杜老雄文章傾後輩雅度軼羣公撰
杖情何極銜孟興不窮蕭疎秋色滿涼意入梧桐

尙說循州事當筵氣吐虹黃巾屯戰螳赤子泣哀鴻不
用秦人策還居楚將功那堪回首憶我亦亂離中

小立平橋上斜陽一帶紅西山來暮色北郭淡秋容獸
鳥栖疎柳殘蟬噪碧桐逍遙穿竹徑青靄隱冥濛

水木澹孤清芙蓉萬朶明有花皆鏡裏無樹不蟬聲一
鶴穿深竹羣雅度半泓憑欄涼意愜薄莫野煙生

寶月樓中坐軒牕四望明千山橫紫氣萬戶入秋聲鬱
鬱魯公宇蕭蕭野客情何當冰魄滿重踐庾公盟

附錄石屋詩集 卷一 十

九日畢卿招遊李忠定祠

秋原蕭瑟愁雲屯陰風颭颭吹荒村草倉古祠倚山足
下馬弔古哀忠魂當年相公李忠定扶危有策不見聽

一麾出守過此方慷慨悲歌訴忠盡嗚呼乾坤迸裂誰
所致尙把柱石忍輕棄一誤再誤由汪黃宋家天子真

兒戲殘山賸水竟偷安又見白雁飛江干翅灰茫茫何
處問空餘廟屋生淒寒旁有古松蟠虬龍夜夜濤聲漲

太空行人指點咸嘆息冬青老幹將無同

秋水園讌集

今我不樂胡爲乎主人勸客甘屠蘇有池空濶如明湖

有山蒼翠如番禺煙波浩渺浸虛無此是寰中之蓬壺
天際真人窅可呼西風蕭蕭凋井梧明朝我亦徂長塗
美人娟娟隔菰蘆今我不樂胡爲乎

九秋廿三日墨卿餞余西歸

今夕一樽酒明朝成別離秋風吹獸客落日去天涯疎
柳牽堪折蒼葭正可思相期慎自愛保此歲寒姿

醉時歌

英雄失意椎名馬壯士悲歌折寶刀古來萬事東流水
惟有伯倫與最豪君不見北邙山頭一坏土松栢蕭蕭
夾隧戶千載無人醉清醕

遠遊吟

弱水西北流滔滔去不息人生莫遠遊征途蒼莽何終
極西莫上隴頭山隴頭流水聲淒淒南莫下瞿唐峽瞿
唐峽上舟如葉更聞叩嶮坂九折縱有騏驎行不得雪

山嵯峨高插天行人見此獨朱顏遠遊吟苦悲心君不
見田舍翁守空谷足局促一生裹頭不出門室有兒孫

倉有粟

閨曉

繡戶珠簾捲金閨曉夢遲倚牀梳霧髻鏡拭蛾眉芳
思鶯能覺春愁葉許窺尙餘殘醉在無奈是嬌姿

汀江舟中

疎林噪晚鴉孤棹夕陽斜市近人沽酒溪清女浣紗環
舟沉野渡枯樹卧平沙遠見炊煙起臨流有幾家

泊舟

兩斤咽蟲聲孤舟野渚橫天空星欲墮峽仄水爭鳴不
寐中宵冷思家客念驚殷勤問三老此去尙多程

峽中人家

野人倚厂架板屋百尺江水嚙其足屋上將崩未崩石
失勢一墜人盡磔山巔夜半忽吹角聲聲都向峽中落
山家閉門呼猛虎驚起舟人色如土

梧溪石屋詩鈔

卷一

十五

舟宿書所見

嶺上怪樹立古鬼峽邊野火闕青燐星河懸慘照真壑
離聲終夜愴心神嗟我何爲頻經此畏聽淒音塞兩耳
明朝喚刻簿百里雙槳孤舟輕若紙

放舟

哀壑嵯岬起山川怪特鍾灘光吞渴日石勢割乖龍舟
忽雲霄落人皆雪浪春嗟余頻冒險此去及初冬

夜泊黃泥壠清曉下灘午及峯市

黃泥壠頭灘聲惡客子中宵噩夢作天雞一聲叫白日
長年篙工起頭躍吁嗟黃泥壠百里及峯市雙槳下雲

端頃刻疾於矢羣山連綿走南海哀壑嵯岬削眞宰千
尋直下劈雷霆一氣全湧門弩鎧山水至此忽大戰扁
舟欲落形色變乾坤錯亂無條理雪浪滾滾頻打面盤
渦沸轉四傾瀉水中但見石磊砢百怪殫辨伏幽宮欲
捲舟人作鱗鮓亦有黑潭淨若鏡照見人影杳深絕上
視山巔在雲霄嗟我何爲落習井古來詩人不到此汝
雖奇絕誰掛齒出險入險今再經揮毫發興自我始

山亭

山亭倚山半松高出亭巔山風颯然至松子落亭根山
人拾松子亭間烹細泉泉聲壁外來夏夏響琅玕行客

梧溪石屋詩鈔

卷一

十七

寂無語山鳥破蒼煙

遊梧溪

哀壑勢龍從巖巖萬木風飛濤龍戰野怒石聳盤空天
窄行雲疾山深蒼霧濛太姑灘上景嶮絕此傳同

在山上
杭前

下此灘

飲酒石屋

洪荒以來此一席舉盃欲向青天滴我是無懷葛天民
地老天荒興不極酒酣擊石起高歌歌聲上遏行雲疾
聞道蓬萊隔海水樓船一去無消息

遊石壩

水石相鬥爭石怒突其角水伏不敢出號聲轟絕壑亦有拳曲樹與石更相縛堅瘦無寸土怪底蛟龍攫我行捷猿狖心憚形狀惡森森聳天竿屑屑隕寒穉得非太古存混沌不肯還擬欲訴上帝搜抉施電索山深古無人或恐魑魅託好奇者誰子盡日凌晨壅壅

清泉洞

有序

石屋之旁有石門尋磳入泉聲琅琅然洞深半里間層曲折懸磳二其上益幽杳道險不可窮

不知清泉洞門石階絕我尋泉聲來入耳轉清越稍聞擊瓮音心知滴幽窟左右亂笙簫異響鈞天發颼颼

古泉石屋詩鈔

卷一

七

入谷風吹散作晴雪遊人行洞中清至凍毛骨荒荒太古莽上有奇峯突石峭林愈深歸路蛇虺擊

小蓬山

有序

梧溪上一山斗立丹碧駢植顏曰小蓬山

梧溪百尺清晃蕩流碧玉上有小蓬山娟娟浸寒綠壁峭倚青天徑危轉車軸得路蒼松間山鳥前後逐野花不知名異香滿空谷遂造層崖巔萬象紛在目坐見登雲峯插天如攢稍草木暗四山煙雲時斷續終日叫子規真真氣淒肅瞑坐修竹根泉花落如雹

山齋曉坐雷雨過村黑無人

巖曉水雲曠孤村三兩家洪荒不成關雷電割槎枒萬壑橫將合空齋壓欲斜此心飛閃忽絕壁撇驚蛇

梧溪見月有懷墨卿太守

空山棲鳥驚月出萬峯明杳杳一川水縹緲波影清美人在何處千里思長征忽憶浮青閣霜鐘夜夜聲

石泉洞

有序

石泉洞在石磳之上泉出其中清冷冷蓋梧山之奇者也

言遊石泉洞洞深杳莫測琅琅泉聲未入心既繇門低打人頭我先跪兩膝緣延作蚯蚓其底日月匿泉聲

梧溪石屋詩鈔

卷一

七

與風聲洞中交蕩激坐久冷氣侵靜聽喧轉寂石蛙聲如大喚客吹不息翻然天井開上有藤蘿羃森森千章樹陰沈雷雨黑梧山萬重石惟茲洞府闢山靈闕終古仙人不敢誚搜索始我曹冥冥恐呵叱

老岩潭

石角鈎衣破藤梢曳足僂人家多傍水汀草半圍牆晚樹含涼色風潭亂夕陽相逢田父語共卜歲豐穰孤厓懸百尺木石更相包下視碧潭水清寒生樹梢驚風時一至落葉兩山交杳杳隨流去灘長易澗滄

晚秋山居

秋山露紅葉節已過重陽北風動地來晚稻日變黃鴻雁與胡鴨飛飛天字長野人拾茶子勻團滿筠筐當梨大於彈樵夫每飽膏矮屋黃茅蓋蚤果微有霜山家多清事諸芋雜芽薑蕉葉掛牆角冬菹備包藏幽人步門外憶遠永相望惆悵不得語晴蛉關野塘

秋思

流螢點點度高樓樓上西風雁唳愁月影荒涼孤客夢笛聲橫裂四山秋梧桐露冷蕭蕭落星斗天寒作作流關塞蒼茫望不極幾人齊唱大刀頭

夜遊老岩潭

梧溪石屋詩鈔 卷一

秋月照潭水潭空微有煙我來踞絕壁壁上古木連山影半入潭陰明雨界分夜探月愈高潭腹乃洞然月鏡與水鏡兩鏡合團圓將身入鏡中空闊杳無痕盤然墜一石不知落何邊茲遊信奇絕空際追列仙

月下大姑諸灘

蕩蕩天上舟忽從地底出陰陽互糾紛雲水莽滅沒難鳴三兩聲峽上湧孤月舟人戒客子出語慎無失俄然洪濤翻船頭高碑硯月色一百里灘光迴百折恍若泛銀河迅疑輓列缺苦憶昔登舟目眩心戰慄心羨山行人晏然無震惶今茲慣狎險反笑陸行拙枕席下驚波

百里才一瞥早飯峯頭汎杭城渺天關

秋日登粵秀山由五層樓循坡而下坐山麓移時方還

踏磴未及半秋颺打人面紅牆一道直云是龍王殿莊嚴纏環寶海物雜怪變夾道千章樹樹杪山髻見何代構蘭若土木費營繕當門海天寬蒼茫接遙甸萬瓦沸青蛩都會古來羨憶昔越尉佗於此張巨宴雄風震百蠻青天掣雷電劉鋹汝何人亦復乘形便轉眼作降王井蛙安足願霸圖久銷歇山海閱龍戰憑弔展雙眉荒荒秋草徧

梧溪石屋詩鈔 卷一

王

崔巍鎮海樓其巔切霄漢左瞰虎頭門右壓五仙觀朱侯昔規造實足壯楨幹其下列巨炮鑄文未漫憑崇正十七年鑄此爲禦亂嗚呼明社屋元黃戰血爛中原已潰裂沉復五嶺畔承平百餘載悠悠景物換斯樓閱興斯炮更昏旦偃臥荒草中老兵目未看行客試撫摩躑躅再三歎

踐蹠下厓隙忽而入奔猱異哉萬人海乃隔雲山重璋琇石鏘泉颺颺曲阿風風高急秋蛩鳴鳴黃葉叢谷口塞巨石略約一徑通寂歷隱疎花花黃蝶則紅居人治菜園編籬綴紫葺下有澹澹池上有娟娟峯疑有物外

人於此策枯筇我本山中客一月苦塵封跌坐井邊石
嗒然喪吾躬

梧溪石屋詩鈔卷一

五

梧溪石屋詩鈔卷一

長樂溫訓伊初著

門人大興朱啟元校字

黃泥壠舟中望月

高峯入月色天半爛如銀峽仄光難到宵深見益親輪
鏡孤石破影亂怒濤皺一嶂橫舟黑如鷹莽攫人

龍獅殿

鐵嶂蓄陰冥龍獅秘殿局居人排虎棚牧豎聽牛鈴海
氣無邊白雲客不斷青當年文信國奔逼此曾經

珠江寓樓夜起

高樓吞海色香莽接仙真天水淪何際空花悟此身月

梧溪石屋詩鈔卷二

卷二

澄增夜白潮定帖湖皺瀟外聲聲去更聞到靜人

秋陰同孫雲帆張仙圃登越秀山

半角孤峯置此身上方樓閣迴離塵一生獨作狂吟客

二子同爲失意人雲水遠連陰慘淡風花交舞態顛胸

真仙已去名王死莫更悲歌大海濱

五仙觀

仙人宮闕拂雲烟烟際亭亭立眾仙一自瓊環朝赤帝
幾時金碧壯南天空餘片石雷芳蹟不見炎洲變陸田
亦有安期乘鶴至白雲山頂共蹁躚

放歌送孫雲帆歸江右